

33. Kaj



Sončeveke zahaja



33. kaj

Sončeve zahaja

33. SMOTRA
DJEČJEGA KAJKAVSKOG
PJESNIŠTVA
“DRAGUTIN DOMJANIĆ”
- SV. IVAN ZELINA 2013.

Priredio
Dr. sc. Ivo Kalinski

Sveti Ivan Zelina,
listopad 2013.

Mala biblioteka
»Dragutin Domjanić«
knjiga 70.

Nakladnik

Pučko otvoreno učilište Sv. Ivan Zelina

Za nakladnika

Ivica Kukovačec

Urednik

Dr. sc. Ivo Kalinski

Naslov zbirke

prema istoimenom naslovu pjesme Klare Ivanek

Likovni sadržaj

učenici osnovnih škola sudionica Smotre

Likovni urednik

Nikola Kavić

Grafičko-tehnička priprema

POU Sv. Ivan Zelina

Tiskano u 500 primjeraka

Tisak: Tiskara »Zelina« d.d.

CIP zapis dostupan u računalnom katalogu Nacionalne i
sveučilišne knjižnice u Zagrebu pod brojem 855419.

ISBN: 978-953-6540-57-0



33. Smotra
dječjega kajkavskog pjesništva
»**Dragutin Domjanić**«
- Sv. Ivan Zelina 2013.

Na poziv Pučkog otvorenog učilišta Sv. Ivan Zelina za sudjelovanje na 33. Smotri dječjega kajkavskog pjesništva »Dragutin Domjanić« – Sv. Ivan Zelina 2013. odazvalo se 57 osnovnih škola s ukupno 348 učeničkih radova. Ocjenjivačko povjerenstvo u sastavu dr. sc. Ivo Kalinski (predsjednik), prof. dr. sc. Joža Skok i dr. sc. Božica Pažur, za objavu u ovoj zbirci odabralo je 56 radova od kojih su 33 predložena za javnu izvedbu na završnom događanju Smotre 26. listopada 2013. u Sv. Ivanu Zelini.

Kazalo

Riječi urednika

Ivo Kalinski:

Sončeke zahaja i svakim novim danom
iznova se rađa

VII

Sončeke zahaja*

Kam te srce vleče?

Ivana Ambrušec: Kmica	11
Mihaela Andrašek: Pot	12
Luka Babić: Zanimie mi, drage gusle	13
Dario Bajs: Vrt	14
Živa Bajsić: Oblak	15
Sara Bedeniković: Trnoslek	16
Katja Bengeri: Nadimki	17
Paola Benković: Štela bi konja	18
Natalija Bistronić: Smeđa jyi	19
Nikola Biškup: Puti	20
Lana Đakmanec: Protuletje	21
Paula Đurkin: Rože	22
Petar Fotak: Lucija me za lasi skube	23
Luka Golubar: Mikač	24
Ivan Herak: Moja roža	25
Anja Hoge: Čakan	26
Klara Ivanek: Sončeke zahaja	27
Anastazija Jagač: Kam te srce vleče?	28

Vse su to priče

Katarina Jelinek: Jena Podravska	31
Ivona Jug: Žerafka	32
Lorena Jurec: Zagorski brieg	33
Karla Knez: Moja Podravina	34
Jan Kocet: Ptičok	35
Magdalena Korlović: Kon je nestaua nuč	36
Patrik Kovač: Radast	37
Romina Kožić: Zakaj?	38
Tin Kurečić: Jeni cvijet	39
Roko Lastovčić: Jesenski veter	40

Lorena Lazarin: Črna	41
Stjepan Lazarin: Moj hrček	42
Mateja Lisak: Den ide kmice	43
Silvija Lovrentjev: Vse su to priče	44
Matea Lukanić: Japina hiža	45
Viktorija Malekoci: Kaj da delam?	46
Paula Matole: Pesma o vratima	47
Emanuel Mihalić: Stihuma	48
Martina Mihovilić: Veliju da je ljubaf	49
Ariana Mikulić: Životna cesta	50

Ognjeni ognjec

Sandra Petreković: Prijatelji	53
Vjekoslava Petrić: Panj	54
Lea Peulić: Moj dedek sedi i gleda	55
Eugen Pintarić: Fašnik	56
Dominik Piskor: Moja Drava	57
Mihael Platnjak: Pot	58
Leonardo Podlejan: Sinokoša	59
Magdalena Prevendar: Dijalektni haiku	60
Donateo Sitarić-Knezić: Ognjeni ognjec	61
Klara Šafar: Špilja Lukvorka	63
Ema Šolja: Na senokoši	64
Tomislav Špehar: Hudi stvor	65
Marko Štanfelj: Maja obitel	66
Kristina Varjačić: Ftiček	67
Anja Verveger: H popifki tičić	68
Valentina Vrtarić: Protuletje v Zagorju	69
Lea Wolf: Spumad v majmu kraje	70
Lovro Zenko: Moj dom	71

Kazalo autora likovnih priloga	73
Osnovne škole koje su se odazvale na natječaj	74
Likovni radovi izloženi u auli Učilišta	77

* Autori/autorice pjesama poredani/poredane su abecednim slijedom.

Riječi urednika

Sončeke zahaja i svakim novim danom iznova se rađa

Ne samo odrasli nego i djeca, naši osnovnoškolci naprimjer, između ostaloga ispisivat će ili izricati - svaki na svoj način - osjećaje o nadi, o nadanju, o onom tako specifičnom psihičkom stanju iščekivanja da sve što bi se trebalo ispuniti i dogoditi bude bolje od onoga što se uistinu dogodi.

Puna srca upućeni onoj nadi koja izvire iz rodne grude, zavičaja i domovine, onoj kojom se tetoše tegobe življenja, onoj kojom se s puno ljubavi i brižnosti njeguje i čuva spomen na svoje najbliže i najmilije, onoj kojom se svečanim izričajima obraća suncu, mjesecu ili godišnjim dobima: proljeću, ljetu, jeseni i zimi, itd.

Ta obraćanja živim bićima, stvarima, pojavama i pojmovima iz neposredna okruženja, onima koja se mogu osjetiti/osjećati ili pojmiti, ispisana ili izrečena blagošću lirizma kajkavskoga organskog izričaja u djece su uvijek *spontanija, iskrenija, jednostavnija* i - treba posebno istaknuti - zato *impresivnija*, jer ona još ne raspolažu onim "filozofičnim" natruhama koje će odrastanjem život kasnije sa sobom donijeti.

U osnovnoškolaca, osobito onih najmlađih, ta je naglašena *liričnost spontaniteta* izričajem obično kratka, sažeta, nerijetko toliko naivno gnomična da i nama odraslima u prihvaćanju ili odbijanju svijeta koji donosi "zadaje muke" jer smo iskustveno već dobroano ogrezli u prostore natovarene talozima složenih briga *Majhen, lisast/ Leti, papejva, skače./ Lepu be buo da son ku uon./Fraj!/(Jan Kocet, Ptičok)*. To u pjesmi izrečeno nastojanje *bili fraj*, naime da se bude samostalnim i bez prisile izvanjskog svijeta - jedna je uopće od najpozitivnijih žudnja čovjekovih, žudnja za slobodom.

Pokadšto će se, pak, žudnja za slobodom prijateljevanja i zaštite u maštariji pjesmom zaiskati u plemenitosti izvan ljudskoga obličja. Usporedbama: *Štela bi konja belog kak sneg, velikog kak breg, brzog kak veter, dragog kak mater* - mlada će pjesnikinja na više usporedbenih razina ispisati svoju želju za novim prijateljem i novim oblikom zaštite: *nevinošću bijele boje, veličinom brijega, brzinom vjetra i dragošću majke: Štela bi konja/ belog kak sneg,/ velikog kak breg, brzog kak veter, dragog kak mater./Da skup po šumi hodimo,/da se sako jutro sunčeku veselimo./ Da me čuva i brani/ i z moje se ruke hrani./ Štela bi konja...* (Paola Benković,

Štela bi konja).

Na sličnoj, ne i istoj razini, na razini koja zahtijeva više simbolizacije (*Vrata!* - koja su inače u najjednostavnijoj definiciji otvor kroz koji se ulazi ili izlazi u drugi prostor; ovdje u pjesmi, pak, sa simboličnom zadaćom usvajanja *novog oblika nade* o ljudskoj dobroti, i to usvajanje nade bude obavijeno bajkovitošću): *Liepa, črviva, žiliezna, drvena,/ Teška, škripava.../Liepo je vrata otpirati.../Morti zmaji tam letiju,/Morti medvedi hodiju,/Morti patuljki skačeju,/Morti dobri ljudi živiju.../Morti...* (Paula Matole, *Pesma o vratima*).

Dakako, kad je tako, u osnovnoškolsko biće lako se ugnijezdi *radost*, onaj tako suptilan osjećaj dragosti unutarnjeg zadovoljstva koji nerijetko već tada pomalja i onaj drugi - osjećaj duhovne ili spolne privrženosti. Naprimjer: *Ke se sričaju listje pa vejter,/tu je jesin./ Ke se sričaju mraz i snejg, / tu je zima. / Ke se sričaju tičke i rusce,/tu je spumad./Ke se sričaju sunce i murje,/ tu je lejtu./A ke se sričaju dva garka srčka,/ tu je radast.* (Patrik Kovač, *Radast*).

Na natječaj za ovogodišnji 33. recital pristigao je znatan broj pjesama u sadržaju kojih je uočiti *zadobivanje spoznaje* o ciklusnom izmjenjivanju/ponavljanju svega opažajnoga: dana i noći, zime i ljeta, veselosti i tuge, starosti i mladosti itd. (Klara Ivanek, *Sončeke zahaja*), ali i onih sadržajno sumornih - zazivanjem *crne* boje stihovima, sve do završnog poentiranja *svijetlom* misli o voljenom biću (Lorena Lazarin, *Črna*). Ništa neobično da je u toj dobi, u dobi osnovnoškolaca, *osjećaj ljubavi jak i naglašen* - kako onoj prema roditeljima (Anastazija Jagač, *Kam te srce vleče?*), tako i onoj prema domu (Lovro Zenko, *Moj dom*) ili rodnom kraju (Lorena Jurec, *Zagorski brieg*, Karla Knez, *Moja Podravina*, i drugi).

Zadnjih godina primijetiti je izrazitu novost: naši osnovnoškolski pjesmotvorci kajkavskoga govornog područja u svom pjesnikovanju sve to više odbacuju stare izlizane teme i motive, a sve to više služe se novim temama i novim sadržajima. Tomu je svakako pripomoglo dublje poznavanje kajkavskoga leksika, samim time i dublje poznavanje njegovih izgovornih varijacija, ali je svemu tomu nadasve pripomogla bržnost i skrb o kajkavštini naših učitelja/nastavnika/profesora, osobito onih s rubnih govornih područja, i zato im za taj njihov trud treba izreći veliku hvalu, to više stoga kad se zna da je kajkavština izvan obrazovnog programa - da je tek slobodna učenička i nastavna aktivnost.

Ivo Kalinski



Kam te srce vleče?

Ivana Ambrušec, 6. razred
Voditeljica: Dijana Miklin, prof.
Osnovna škola Gradec

Kmica

*I*de kmica, se se črni.

I sonček nam se skrilo
Več kesna vura ide.

Ide kmica, se se črni.

I ptičice na grani čkome,
Mesec se na nebu blešči.

Ide kmica, se se črni.

I megla se zavlekla vu šumu
Več zvezdice male plesati su stale.

Ide kmica, vu hižami se svetla gasiju.
Ide kmica, mala dečica več spiju.

Kmica same šuti
I čez črne oči nekaj muti.

Mihaela Andrašek, 6. razred
Voditeljica: Vesna Pucak
OŠ Breznički Hum

Pot

*P*ot, pot ... dogi put
- pot do škuole.

Pot, pot...kratki pot
- pot do šume.

Pot, pot... prašnjavi pot
- pot do polja.

Pot, pot... kvgavi pot
- pot v život.

Luka Babić, 8. razred
Voditeljica: Dijana Dill
OŠ Vugrovec - Kašina

Zanaviek mi, drage gusle

*J*a vas volim tak pune,
Da to nemrem zreči.
Igral bi vas zastalne,
Gusle moje drage!

Z vami sam preživel
I dobre i loše,
I nigdar me niste ostavile,
Gusle moje drage!

Kad počujem nekteri glas,
Mam se vas setim.
Kolke smo dobrega prešli
Ni ja više ne pometim.

I gudec taj stari
Ve saj je spotrgan.
Kolke sam z njim divljjal
Po te četri žice!

Žičice su tak tenke,
Za poslušat milina.
K srcu su prirasle
Kak prava mati!

Ta z vami bum zanaviek!
Z vami bum prešel i na drugi sviet!

Dario Bajs, 3. razred

Voditeljica: Biserka Krmek

OŠ Ksavera Šandora Gjalskog, Zabok

Vrt

*V*saki den z mamom vu vrt idem
gledim kak bažulj i vugorki rasteju,
jagode lepe cvete več maju,
gda buju jagode lepe i črlene,
bum si ih nabral,
z cukorom posipal
i žmahne pojel.

Živa Bajsić, 6. razred
Voditeljica: Branka Kuća
OŠ Ante Stračevića, Lepoglava

Oblak

*N*a plavem vanjkušu
dece kak ptiča
liečeju i natiravaju se
čudne igre igraju.
Jedni su bieli,
a drugi črni.
Černa se pono pot plačeju,
soze im se negda i zmerzneju.
Bielu imam rajši.
Često ležim na travi
i lučem ih.
Pruobaj i Ti.
Zdigni glavu v nebo
i videl boš da je tuo
razigrani oblak.

Sara Bedeniković, 6. razred
Voditeljica: Ana Ilić, prof.
I. OŠ Varaždin

Trnoslek

*K*raj susedova škednja,
v kutu, pri meji,
tanca na vetru
trnoslek drobni,
pun belih rojžic
kak šipek koštic.

Pčele i tiči
koli njega leču
po celi den...
po ceeli den
diši rascveteni sen.

Gda ga čez oblok gledim
nekaj i mene vleče vun.
V srcu osečam
da proletja vsaki mu
cvetek je pun.

Katja Bengeri, 5. razred
Voditeljica: Maja Vitković
OŠ Šemovec

Nadimki

V našem razredu
saki ima nadimek svoj.
Tuliko ih ima
da im ne znam ni broj.

Žmuku koja kila fali.
Joj kak je mali, mali.
Ticka je Leticija.
Navek je zrihtana.
Mihi je z ograde skočil
i se si ruke polomil.
Perek je naš Petar,
Matija je Matek.
A ja?
Ja sam Ketī, kak glumica...
Makar se Katja kličem.

Paola Benković, 3. razred
Voditeljica: Tatjana Kukić
OŠ Dragutina Tadijanovića, Zagreb

Štela bi konja

*Š*tela bi konja
belog kak sneg,
velikog kak breg,
brzog kak veter,
dragog kak mater.
Da skup po šumi hodimo,
da se sako jutro
sunčeku veselimo.
Da me čuva i brani
i z moje se ruke hrani.
Štela bi konja....

Natalija Bistrović, 8. razred
Voditeljica: Emilija Zagrajski-Maligec, prof.
OŠ Franje Serta, Bednja

Smeđa jyči

*J*oš fyrt čytim,
do ma gleda
tva smeđa jyči.

Sauku nyeč
jo ih senjom
i sarcu miro nedom.



Nikola Biškup, 8. razred
Voditeljica: Andreja Klasić
OŠ Side Košutić, Radoboj

Puti

*P*uti, puti,
kam god idem
pratiju me puti.
„Na pravi put te moram dopeljati,
nesmeš krivim putem iti,
fmekni se, na putu si mi“,
saki dien poslušam.
A šteri je to pravi put?
Šteri krivi?
I kak sem baš furt nekome na putu?
Nigdar mi niko povedal ni.
Jeden put moram zebrati,
a je pravi ilji krivi,
f ute dobi nemrem znati.

Lana Đakmanec, 5. razred
Voditeljica: Sunčica Križan-Kadi, prof.
OŠ Novi Marof

Protuletje

*K*ak volim gda sončekó greje!
Moje srčekó mam se smeje.
Jaglac vu travi srameč se žuti,
Pune su ga grabe i puti.
Dok potek žubori
I vetru govori
Kaj čez klanjce se vrti,
Naj več jemput začkomi!

Da sončekó vu moj kraj dojde,
Navek snega stira.
A z malega gaja, več pesmica tičekov se zbira,
Cvrček kak da več negde žice prebira.

Z dalkega juga, zmočene i gladne
Doletele su vu moj kraj lastavice pomladne.
Pod staru su se gredu nalukavale
Gde su lanjsko leto gnezdo ostavile.

Tak je to v mojemu kraju
gda sončekó greje
se je živo,
se se smeje.

Paula Đurkin, 2. razred
Voditeljica: Tatjana Pintarić
OŠ Domašinec, PŠ Dekanovec

Rože

V mojemu vrčaku rasteju rože.
Jane so črlene, jane pak žote.
A polek njih plovi jorgovan cvete.

Pikače imaju, al ipak so lepe.
Saka čmela kaj polek leti,
na jih veselo zleti.

Unda pak dojde velki veter
pak rastepe rože lepe
i po celomu svetu latice potepe.

Nega več mojih roži lepi,
za to so krivi velki vetri.
Al sam jih jo na kipec dela,
kaj jih bom za navek mela.

Petar Fotak, 1. razred
Voditeljica: Ljubica Bešenić
OŠ Novi Marof

Lucija me za lasi skube

Lucija i ja smo z Presečna.
Skupa čakamo školski bus.
Nigdar mi ne da mira.
Furt mi nekaj komandira.
Ak neje se kak ona oče,
za lasi me skube.

Dok je betežna bila,
nije v školu hodila.
Kak god vmajna bila,
sejeno mi je fest falila.

Luka Golubar, 6. razred
Voditeljica: Martina Barulek
OŠ "Vladimir Nazor", Sveti Ilija

Mikač

Kaj ja znam kaj je mikač...
Dedek veli da je to pikač.
Z njim se češe konopla,
a more se presti i preja.

Kaj ja znam kaj je mikač...
Babica mi veli da je to jež Luka.
Na hrastovi deski pikač.
Delaš s tim da je muka.

Kaj ja znam kaj je mikač...
Dedek mi je nacrtal kefu
i rekel da je to drot kefa,
kaj ti ga dojde pono vekši pikač.

Ivan Herak, 8. razred
Voditeljica: Marija Bolšec
OŠ Antuna Mihanovića, Petrovsko

Moja roža

*D*išala je roža h vrtu.
Srebrni se mesec zvezdici smejal.
Pred tvojom sam hižom stal
i na tebe rožu mislil.

Oko mene dišale su rože.
I pritulet je dišala.
I ti si kak pritulet dišala,
a ja sam bil mesec.

Na nebu zvezda namigava.
H mojem srcu zvezdica spi.

Još dugo sam gledal tvoj obločec.
Srce je trepeče i žareče
h grudi glasno tuklo.

Anja Hoge, 8. razred
Voditeljica: Marina Hrga - Arh, prof.
OŠ "Petar Zrinski", Čabar

Čakan

Ko zima zebejle mejstu
i snegj ko prekrije cejsto.
Ko se medvejd v brlog skrrije
i mraz listje pakrije...
Čakan...
Sunce da se čin prejk vrne,
bejle snegj da se razgrne.
Prirodo da sunce zbedi,
ven zos hiše da zvlejče ledi.

Klara Ivanek, 5. razred
Voditeljica: Sanja Horžić
OŠ Ljubeščica

Sončke zahaja

*J*ene sem večeri gledela
kak se sončke,
polefke i postiha,
spat pospravljale
i za brege zahajale.

Niesem štela da se vgasne.
Kmice me je bile čudaj stra.
Zmislim se kak je na poldan
grelo ftičkeke kaj su popevali,
črlene rože se je smejale,
z senu f poteku spominale.

Žal mi je sončeka
kaj se f črne kmice ftopile.

Zutra!?

Zutra se pak bu:
smejale,
spominale

i z okekom nam namigavale.

Anastazija Jagač, 6. razred
Voditeljica: Biserka Fruk
OŠ "Stjepan Radić", Božjakovina


Kam te srce vleče?

*S*rce me vleče
Tam gde se ne tuče.
Gde je ljubav na prvem mestu,
Ocenjena na sakem testu.

Gde ne raste svađa
Neg čokolada najslajša.
Gde grde reči stanu
I navek sretni dani svanu.

Srce me vleče mamice i tateku,
Sestrici i bratu.

Tam gde ljubav ima budućnost
I gde ne same mogućnost.



Vse su to priče

Katarina Jelinek, 7. razred
Voditeljica: Marija Halaček
OŠ Molve

Jena podravska

*F*tiči te prebude, za štagljom
cvetja, mekot, potice, konake.
Se se je zbermalo!

Pevec špota meglo
kej se zavlači
međ grabe i jame,
međ hiže i koce.

Plodna zemlja seme zlatno čeka,
strpljiva je!
Voda glasno šarane žekče.

Mračí se, si trudni beže spat.
Drava je zadremala,
a ja ji postija prišepnola;
zDrava mi bodi, srečen ti pot!

Ivona Jug, 7. razred

Voditeljica: Mirjana Posavec

OŠ Ivana Rangera, Kamenica, Lepoglava

Žerafka

*M*okrih lasi zimske vile
vodu namaču.

Mole kapljice lete
Trakoščan glede.

Večer v vilinski kraj
dehaja.

Zima senje senja,
saki kot ju ima.

V sercu žerafka tinja:
- To je ma demevina!

Lorena Jurec, 8. razred
Voditeljica: Nevenka Šušljek, prof.
OŠ Ante Kovačića, Zlatar

Zagorski brieg

*N*a zagorskem je briegu zrasel,
na tem je briegu svoje prve kravice pasel,
trsije zasadil i prvuga vinčeka si vžil.
Na tem je briegu baku uženil
i decu je dobil
i njihuv je brieg postal.
Na tem je briegu vnukeke vučil huditi, guvuriti, muliti
i da pušteni ljudi naviek muoraju biti.
Na tem briegu još naviek hiža stuji,
al dedeka vu nje več ni.
Na tem briegu on nas
z anđeleki gleda.

Karla Knez, 3. razred
Voditeljica: Vesnica Mlinarić
OŠ "Braća Radić", Koprivnica

Moja Podravina

*H*odim
prek zelenih livad,
prek šenic,
prek ravníc,
nuz Dravo,
gledim -
vse to je moja
Podravina!

V Dravi plivajo
ribe,
a spod mefke trave
cveteki spijo.

Čujem,
nekaj švasti
v granjo,
to veter listje njiše
kak zipko.

Hodim
od dreva do dreva,
od pota do pota,
pa prek senokoše,
gledim -
vse to je moja
Podravina!

Jan Kocet, 2. razred

Voditeljica: Tina Malnar, dipl. uč. raz. nast.

OŠ "Petar Zrinski", Čabar

Ptičok

Majhen lisast
Leti, papejva, skače.
Lepu be buo da son ku uon.
Fraj!

Magdalena Korlović, 6. razred
Voditeljica: Dragica Majnarić
OŠ Ivana Gorana Kovačiča, Delnice

Kon je nestaua nuč

Kej so s'da veštice
vukodlaki
vampire
patuljke
divove
i se te bajkovite likove?
Svetiljke vulične
reklome luđačke
restalile likove mistične.
Odlučele ticama
pokozat da so nepotrebne letače
da im njihova popevka
nič ne znoče.
Čovik je pokozau
svajo muč
Kon je nestaua nuč?

Patrik Kovač, 5. razred
Voditeljica: Ingrid Žorž, prof.
OŠ "Petar Zrinski", Čabar, PŠ Tršće

Radast

Ke se sričajo listje pa vejer,
tu je jesin.

Ke se sričajo mraz i snejg,
tu je zima.

Ke se sričajo tičke i rusce,
tu je spumad.

Ke se sričajo sunce i murje,
tu je lejtu.

A ke se sričajo dva garka srčka,
tu je radast.

Romina Kožić, 4. razred
Voditeljica: Barica Mlinarek
OŠ Breznički Hum

Zakaj?

*Z*akaj jelen roge ima?
Valjda da se štima z njima!
Zakaj puca svega nosa zdiže?
Valjda da joj dečko dojde bliže!
Zakaj dečko lijepe škornje nesi?
Valjda nebu školu išel bos!
Zakaj opče te norčije zmišljam?
Valjda da si mozgeca premišljam!
Zake ov lijepi kaj ne mijenjam?
Valjda kaj na kajkavski i senjam!

Tin Kurečić, 6. razred
Voditeljica: Željka Rabuzin
OŠ Petrijanec

Jeni cvijet

*M*ati je kak vetruva duša.
Mati je kak val v moru.
Mati je kak slovo v bilježnici.
Mati je kak pesmica.
Mati je kak mati,
nježna kak trafka na livadi,
liepa kak liepi mrtul...

...ja sam jeni cvijet!

Roko Lastovčić, 8. razred
Voditeljica: Valentina Mahović
OŠ Milana Langa, Bregana

Jesenski veter

Ššššš...Ššššš...
Z šume je zašel
kak jastreb kad vreba kokoš.
Ššššš...Ššššš...

Čez gaj prohučo
kak splašena srna.
Ššššš...Ššššš...

Tu noč veter je hučo,
a mi spati
mogli nismo.
Ššššš...Ššššš...

Drugo jutro, šuma
ostala je gola
gda ju je jesenski veter
počistil.
Ššššš...Ššššš...

Lorena Lazarin, 6. razred
Voditeljica: Diana Brcković
OŠ Ksavera Šandora Đalskog, Donja Zelina

Črna

Črna je hiža stara
i krov je očrnel.
Babica samo črne
rupce i fertune nosi.

Otraga na dvorišču
črne kokoši hodiju.
Iz stare črne zdele
kuruzu kljujeju.

Čak više nije ni
tičekov lepih
same črni kosi i
črne vrane letiju.

I ja se črno
oblačim i lasi
su moji črni,
same su moje
misli svetle
dok mislim na te.

Stjepan Lazarin, 5. razred

Voditeljica: Dubravka Antunica Jelinčić, prof.
OŠ Dragutina Domjanića, Sveti Ivan Zelina

Moj hrček

Moj hrček,
koj me tak spometne glediš
kak da mi nekaj očeš reči?

Kotač vrtiš,
semenje pribiraš,
na sigurne pospravlaš.

A kad bi ja navečer spati štel,
ti kak nori kotač okrečeš.
Baš te briga kaj ja spati ne mrem!

V jutro se zbudim,
a ti tak slatke spiš.



Mateja Lisak, 7. razred
Voditeljica: Melita Petriš - Banovec
OŠ Marija Bistrica

Den ide kmice

*D*en ide kmice, oči se gubiju.
Maslaček žouti ...
De je belina druobnih ruožī
koj su negda bile tu?

E buju prešle, nestale, vtrnule
rieči, i život te,
i den, i noči črne?

Den ide kmice, oči se gubiju.
Maslaček žouti ...
De je belina druobnih ruouži?
I kam su prešli si...?

Silvija Lovrentjev, 8. razred
Voditeljica: Danica Pelko, prof.
OŠ Donja Stubica

Vse su to priče

*K*ak te više ne preštiram, veliju,
Kak te više nemam rad
I se to tak glediju,
A ne znaju da mi falíš
Kak nigda do sad.

Kak ne mislim na te
I kak prešla sam vu grad,
A i zdej bi se dala za te
I zdej te največ imam rad.

I za tobu ja gledim
Da se vrnem vu tvoj kraj
Zagorje,
Sake jutre z tobu sviče,
Zagorje,
Vse su ti to priče.

Matea Lukanić, 7. razred

Voditeljica: Tatjana Mikuljan-Đermek, prof.
OŠ Bistra, Donja Bistra

Japina hiža

Moj japa je prede
dok je bil mali
imel hižu.

Tak zaraščenu na bregu
vidim ju i sad.

Imel je rad
tu svoju hižu,
al su ju zrušili
i moj japa je
tak tužen bil.

Si je on novu napravil
još lepšu i vekšu,
hižu gde sad živime,
al se japine hiže
vsaki čas zmislime.

Viktorija Malekoci, 6. razred
Voditeljica: Ida Somi Rodiger
OŠ "Petar Zrinski", Šenkovec, Čakovec

Kaj da delam?

*K*aj da delam,
nemam kaj delati.
S kim da se igram?
Nišči se neče igrati.

Ne da mi se spati
niti čitati,
a pogotovo ne zadaču pisati,
vučiti se
i sobu pospravljati.

Idem si malo legnem,
serijo poglednem...

Nešt bu mi več na pamet palo
kaj mi valjda nebu dosadilo!

Paula Matole, 6. razred
Voditeljica: Sanja Biškup, prof.
OŠ Vidovec

Pesma o vratima

*L*iepa, črviva, žiliezna, drvena,
Teška, škripava ...

Liepo je vrata otpirati...

Morti zmaji tam letiju,
Morti medvedi hodiju,
Morti patuljki skačeju,
Morti dobri ljudi živiju...

Morti...

Emanuel Mihalić, 7. razred
Voditeljica: Martina Škrinjar
OŠ Petrijanec

Stihuma

Se je stiha
i se spi,
samu v peči
drijavu guri.

Nasrijedi sobe
borik stuji,
ispud jenga
Isusik spi.

Kulač več diši,
svijača guri,
a cijalu selo se
v cijarkvu žuri.

Martina Mihovilić, 7. razred
Voditeljica: Monika Šalec, mag. edu.
OŠ Sveti Križ Začretje

Veliju da je ljubaf...

*L*jubaf je liepa,
Tak veliju same mala deca!
Ja misljam da je ljubaf
Ko kad odlični đak dobi keca!
Desi se nenadane
I pokvari ti se
H glji oni čas
Gda ti ne treba te.
Alji opet, ljubavi se veseliju svi
I sejedne je e si malji ilji veljiki.

Ariana Mikulić, 8. razred
Voditeljica: Jelena Okić - Premec
OŠ Legrad

Životna cesta


*S*tori paviljon v parku stoji več letima
Pogledava se z kipima svetima

Cirkva se javlja zvonima
Kostanj šumi z granama storama

Veter pozdravlja store pajdaše
Gle, i grm mu veselo maše

Drova se to poslušā, poslušā
I mom na miru joj je dušā

Ona je srce mojega mesta
Ona je njemo kak životna cesta



Ognjeni ognjec

Sandra Petreković, 8. razred
Voditeljica: Bojana Bilosnić, prof.
OŠ Belec

Prijatelji

*G*de ste, prijatelji?
Douge vas ni!
Kak da ste na me
pozabili.
Ostala sem sama.

A bili ste za me
više neg oča i mati.
Bili ste mi kak brati.
Mislila sam da ste moje se,
al' me je srce fkanile.

One koj mi najviše znači
još ve sounce zrači.
I vezda gda ste vsi prešli
jedine je moje Zagorje
tu ostale.

Vjekoslava Petrić, 6. razred
Voditeljica: Ljudmila Kladić
OŠ Ludbreg

Panj

*P*rekrasno drevo!
Zujanje motorke -
Panj.
Zima!
Okoli se nalovilo inje,
V daljini puste njive.
V kaminu gori ogenj,
Pucketa posečeno drevo.
V srcu praznina!

Lea Peulić, 6. razred

Voditeljica: Nada Vukašinić, prof.

OŠ Ivana Grandže, Soblinec

Moj dedek sedi i gledi

*M*oj dedek u ljetnu zoru sedi i gledi,
gledi u to sunčeko, sedi i gledi.
Veli mi, pogleč tu ljepotu!

Gledim ja, ptičeki lete i sunčeko odlazi.
Pogleč sunčeko nam maše, velim ja dedeku.
Mahali smo tak moj dedek i ja
sunčeko odlazi, sunčeko dolazi.

Otišlo je spat, najemput, mesec i zvezde
dedek i ja sedimo i gledimo
v krasne večernje nebo.

Eugen Pintarić, 6. razred
Voditeljica: Mira Janjanin
OŠ Domašinec, Dekanovec

Fašnik

*D*ošev je fašnik
komaj smo ga čakali,
ka bomo z laframa
po seli skakali.

Se je puno lepe duhe,
jer si pečeju fine spuhe.
Deca se kugači bojido
i unda fejest kričidu.

Povorka z maškori
po seli ide
i na križoju
se z drugom zide.

Ljudi maškore glediju,
al moraju fejest paziti
ka im maškori nado dišli
po hiži laziti.

I tak – Božič je prošel,
fašnik je došel,
maškori su v seli.
Si so ljudi fejest veseli.

Dominik Piskor, 3. razred
Voditeljica: Ružica Tuba
OŠ Molve, PŠ Medvedička

Moja Drava

*L*aran,
dok još celo selo spi
sedim na strmcu i gledim Dravo,
mojo Dravo.
Tu bom skrili se svoje misli
i se senje
kaj sram me je glasno reči.
I dok jo tak gledim
šumi, grgolji i klokoče.
Veter šepče v listju vrbaka
kak puno jesen i zime je prek nje prešlo,
kulika žarka leta jo grela.
Nagibljo se stare vrbe,
ogledavajo vu vodi kak v zrcalu,
kak da bi jo, mojo Dravo,
štele prigriliti
i se tajne skriti kaj tu so povedane.
Skrile so i gnjezda ptičov,
popjevajo, bude se
dok se sonce kak zlato z neba
preleva na reko
i dišeče senokoše kraj nje,
moje Drave.

Mihael Platnjak, 6. razred
Voditeljica: Maja Grd
OŠ Visoko

Pot

*D*ok se jutre rane zdignem,
male z očmi mignem.
Denem na glavu svoj škrljak,
krenem potem i vidim poljski mak.

Dok skrenem z blatnjavega pota,
zmazana mi je plava kota.
Čizme su mi se v blatu
pa ih idem prat v mlaku.

Do škole vesele popjevljem
i puce na mejaš rijevljem.
V školi bum otrpl knjige
i evo nove brige.

Leonardo Podlejan, 7. razred
Voditeljica: Marija Milevoj Živković
OŠ Vukovina

Sinokoša

*S*biciklinem svojim
do cirkve sem došel,
i videl dečeca kak cvetje bere.
Al, ne mi rekel zakej to dela
i ko bu taj pušlek dobil...

Gledel sem samo, tu lepu sinokošu,
i sekud pune dišečeg cvetja,
a tica mala odjenput je došla
i ja sem zabludil
vu mislima svojim.

Nigdar nisem videl
tak lepu gamilicu
i kaču kak gmiže,
al nesem se bojal
jer sem blizu iže.

Nemreš zabluditi
nigdar tu,
jer nesi v megle – več u snu.

Magdalena Prevendar, 7. razred
Voditeljica: Mirjana Rajter
OŠ Brezovica

Dijalektni haiku

Leto je.
Kupice suve trave.
Veter diši.

Ded kosi.
Roda išče miše.
Posli.

Berba. Šare
zdele med jagodami.
Slast.

Črlena roža
spod klupi - nekči
je pozabil dar.

Donateo Sitarić-Knezić, 8. razred
Voditeljica: Vesnica Kantoci
OŠ Oroslavje

Ognjeni ognjec

*R*osa je vrt okupala...
Zdehnul si je,
Z malami, glakavemi rukicami
Ognjene ličeke si vmil.

Sunčkeke se pokazale...
Pretegnul se,
i ognjenu glavicu
sunčeku zdigel.

Pčela je zujala...
Nagnul se,
Da bi si pčela mala
I njegvuga soka vkrala.

Pčela je sela...
Glavicu je zravnal,
Svoje jezičave, cevaste
Cviete je kazal.

Babica je vrt pregledala...
Nacifrane se nasmejaj,
Morti bu babica njegvuga cvieta
Za lekovitoga čaja vbrala.

Cvetek po cvetek
V logožaru se našel,
V hladu i sene
Pomalu se sušil.

Babica me podučila:
Se kožne tegobe zaciela.
Za želudec, jetru, žuč i živce
Z vruću vodu prelejati dvije žlice.

Štundieral sam si...
Kakvoga cvieta je Bogec dal?
Čovek ga z liepim imenom zval,
Ognjeni ognjec v sakom vrtu naj bu spal.

Klara Šafar, 6. razred
Voditeljica: Andreja Marković
OŠ Rudolfa Strohala, Lokve

Špilja Lukvorka

Nošimo sele dika
je velika špilja Lukvorka.
Pred sto let ulaz vo njo je nošof
Lukvorac Jakov Bolf.
Da be kurisno hišo naprovof,
dobar i trd kamanj je iskaf.
Ulaz va škurino i dubino se je oprof!
Onda so rekle da je špiljo Lipo nošof!
Ne znan du, va danošnje doba,
ime Lukvorka jè jê dof.


Emā Šolja, 4. razred

Voditejica: Nada Grahovec

OŠ "Petar Zrinski", Šenkovec, PŠ Mačkovec

Na senokoši

Senokoša zelena cvetna,
Kak si lepa puna cvetja.
Tak te lepo gledati,
Al te moram pokositi.
S rasovaj i zubačaj bomo te vredili.
Sunce bu te posušilo,
Kaj te v kupčke moremo deti
I dimo tpeleti.
Naše te budu kravice jele,
Pak budu debele
I čuda mleka mele!



Tomislav Špehar, 7. razred
Voditeljica: Matilda Marković
OŠ Draganići

Hudi stvor

*T*aj hudi stvor odjemput
s'mo stvoril se je
i kmičinu po sem
napravil je.
Sunce žarko i blišeče
zel nam je.
Š črni oblaki pokrili nas je,
s'mo grom i bleskavinu
dal nam je.
Stelac pred hižom
prevrnil je,
metlu pri vroti
zrušil je.
Smetilnicu v zrok je dignal
i sobom ponesal.
Kontu odštalombal po dvorišu,
z rogljami, lopatami i motikami
zaigral je.
Po celim dvorišu nered
napravil je.
Sigdi svoj nos zabija,
k'o stekli cucak zavija.
Celi don stroh nam v kosti zatira
i niki mu se ne vusma
reči baš niš.

Marko Štanfelj, 6. razred
Voditeljica: Sanja Klarić, prof.
OŠ "Petar Zrinski", Čabar, PŠ Gerovo

Maja obitel

*M*aja obitel so ledi
mjene najbližje i najdražje.
Uoni so vesili i živi ku prklejtje.

Jaka je obitel v kire se vse imaju radi
i adon družga paštivajo.
Uona je sunce kiru svejte i
sako žauost uotera.

Obitel je ljubav
kira sake dan raste.
Vajne se radast i sriča
s poljupcima pačaste.

Kristina Varjačić, 6. razred
Voditeljica: Ksenija Zubić
OŠ Đurmanec

Ftiček

*F*tiček je sega glasa zapopeval,
ženiti se je štel.
Gnezdo je delal visoko,
tam gde mu nišer nebu smetal.
Mislil si je:
žena bu v gnezdo sela
i o deci brigu mela.
A on bu na posel šel
i posla hnoge bu mel.
Famijiji saki den treba hranu
donesti v gnezdo, na granu.

Anja Verveger, 5. razred
Voditeljica: Jasna Horvat
OŠ Ivana Perkovca, Šenkovec

H popifki tičić

*H*pisanoj kiklici,
s korbicum punum darof,
nakinčano i dišeče
došlo nam je protulitje!
H tranac se na čirišju selo
kobicu otkrilo i dareke dililo:
pupeke, čelice i šare matuleke!
Zat briga godina dobeži
i mam se hmije!
H popifki tičić
protulitje se smije!

Valentina Vrtarić, 5. razred
Voditeljica: Barbara Beronja - Manojlović
OŠ Antuna Mihanovića, Klanjec

Protuletje v Zagorju

*S*edim i čkomim pri kleti,
sončece v hume sveti.

Ftičeki nad bregom letiju
i veselo v hižu moju glediju.

V trsju je grojzje počelo rasti
i vočke v trnacu cvasti.

Hoste se zeleniju,
a srne i zajci v huju bežiju.

Vse je tu tak liepe v protuletje
bregi, sonce, oko hiže cvetje.

Lea Wolf, 6. razred

Voditeljica: Rezika Jašarević, prof.

OŠ "Petar Zrinski", Čabar, PŠ Prezid

Spumad v majmu kraje

*K*u prva kukafca zakuka
pa se ledi za varžet primejo
da videjo če kak kavanc imajo,
vejn da je spumad pršua.

Ku se astavece zos juga vrnejo
pa gnejzda pad strejho papravejo
i jejčka znjesejo,
vejn da je spumad pršua.

Ku star ata nivo zuarje
pa baka prejsad paseje,
a sonci jačje prgreje,
vejn da je spumad pršua.

Ku me se nada več večit
i samu be pa hribah dirjaua,
a ne na šulo misleua,
vejn da je spumad pršua.

Lovro Zenko, 5. razred
Voditeljica: Ankica Dmejhal
OŠ Ivana Grandže, Soblinec, PŠ Adamovec

Moj dom

*O*d navek mislil sem
da dom je moja
hiža, obluki, cigel
i krov.

Al dom ogen
teri moje srce greje
i ona soza kaj ju
babica fletne skrije.

Moj dom je dedek stari,
moja družina vesela,
popevka poj.

Taj domek sem ja
jeden cigel,
jedna duša mala.



Kazalo autora likovnih priloga*

Za naslovnicu zbirke korišteno je sunce - fragment likovnog rada Tare Savić, učenice 2. razreda OŠ "Braća Radić" Koprivnica (računalna obrada: N. Kavić)

Knjižni blok:

- | Str. | Autor/autorica ilustracije, razred / OŠ |
|------|--|
| 3. | Stela Španić, 8. razred
OŠ Ljubešćica |
| 9. | Jura Bobić, 7. razred
I. OŠ Varaždin |
| 19. | Ana Šobak, 7. razred
OŠ Petrijanec |
| 29. | Bruno Ivšić, 6. razred
OŠ Gradec |
| 42. | Matej Koščec, 6. razred
OŠ Dragutina Domjanića, Sv. Ivan Zelina |
| 51. | Tomislav Žagar, 5. razred
OŠ "Petar Zrinski", Čabar, PŠ Gerovo |
| 64. | Dean Bečević, 4. razred
OŠ "Braća Radić", Koprivnica |
| 72. | Iva Kramarić, 5. razred
OŠ Gradec |

* Zbirka je ilustrirana fragmentima cjelovitih učeničkih radova

Osnovne škole koje su se odazvale na natječaj

1. OŠ Ante Kovačića, Zlatar
2. OŠ Ante Starčevića, Lepoglava
3. OŠ Antuna Mihanovića, Klanjec
4. OŠ Antuna Mihanovića, Petrovsko
5. OŠ Belec
6. OŠ Bistra, Donja Bistra
7. OŠ "Braća Radić", Koprivnica
8. OŠ Breznički Hum
9. OŠ Brezovica
10. OŠ Domašinec, Dekanovec
11. OŠ Domašinec, Dekanovec, PŠ Dekanovec
12. OŠ Donja Stubica
13. OŠ Draganići
14. OŠ Dragutina Domjanića, Sv. Ivan Zelina
15. OŠ Dragutina Domjanića, Sv. Ivan Zelina, PŠ Komin
16. OŠ Dragutina Domjanića, Sv. Ivan Zelina, PŠ Prepolno
17. OŠ Dragutina Tadijanovića, Zagreb
18. OŠ Đurmanec
19. OŠ Franje Serta, Bednja
20. OŠ Gradec
21. OŠ Ivana Gorana Kovačića, Delnice
22. OŠ Ivana Grandže, Soblinec
23. OŠ Ivana Grandže, Soblinec, PŠ Adamovec

24. OŠ Ivana Perkovca, Šenkovec
25. OŠ Ivana Rangera, Kamenica, Lepoglava
26. OŠ Ksavera Šandora Đalskog, Donja Zelina
27. OŠ Ksavera Šandora Gjalskog, Zabok
28. OŠ Legrad
29. OŠ Ludbreg
30. OŠ Ljubeščica
31. OŠ Marija Bistrica
32. OŠ Milana Langa, Bregana
33. OŠ Molve
34. OŠ Molve, Molve, PŠ Medvedička
35. OŠ Novi Marof
36. OŠ Oroslavje
37. OŠ "Petar Zrinski", Čabar
38. OŠ "Petar Zrinski" Čabar, PŠ Gerovo
39. OŠ "Petar Zrinski" Čabar, PŠ Prezid
40. OŠ "Petar Zrinski" Čabar, PŠ Tršće
41. OŠ "Petar Zrinski" Šenkovec, Čakovec
42. OŠ "Petar Zrinski" Šenkovec, Čakovec, PŠ Mačkovec
43. OŠ "Petar Zrinski" Šenkovec, Čakovec, PŠ Žiškovec
44. OŠ Petrijanec
45. OŠ Rudolfa Strohala, Lokve
46. OŠ Side Košutić, Radoboj
47. OŠ "Stjepan Radić", Božjakovina
48. OŠ Stubičke Toplice

49. OŠ Sveta Nedelja, Rakitje, Bestovje, PŠ Rakitje
50. OŠ Sveti Križ Začretje
51. OŠ Šemovec
52. I. OŠ Varaždin
53. OŠ Vidovec
54. OŠ Visoko
55. OŠ “Vladimir Nazor”, Sv. Ilija
56. OŠ Vugrovec-Kašina, Kašina
57. OŠ Vukovina

Likovni radovi izloženi u auli Učilišta




Monika Hadrović, 8.r.
OŠ Visoko



Toni Čakmazović, 7.r.
I. OŠ Varaždin



Ema Jagarinec, 6.r.
OŠ Donja Stubica



Lovro Zenko, 5.r.
OŠ Ivana Grandje
Soblinec,
PŠ Adamovec



Agata Gredičak, 6.r.
OŠ Oroslavje



Ana Šobak, 7.r.
OŠ Petrijanec



Iva Kramarić, 5.r.
OŠ Gradec




Filip Kušinec, 8.r.
OŠ Gradec



Ana Beg, 6.r.
OŠ Oroslavje



Marija Tukša, 6.r.
OŠ Visoko



Jana Telebar, 7.r.
OŠ Petrijanec



Nikolina Pavliček, 6.r.
OŠ Visoko



Tara Savić, 2.r.
OŠ "Braća Radić"
Koprivnica



Dean Bečević, 4.r.
OŠ "Braća Radić"
Koprivnica



Bruno Ivšić, 6. r.
OŠ Gradec



Matej Košćec, 6.r.
OŠ Dragutina Domjanića
Sv. Ivan Zelina



Tomislav Žagar, 5.r.
OŠ "Petar Zrinski", Čabar
PŠ Gerovo



Jura Bobić, 7.r.
I. OŠ Varaždin



Stela Španić, 8.r.
OŠ Ljubešćica



Dora Guštek, 6.r.
OŠ Ksavera Šandora
Đalskog, Donja Zelina




Dragica Jeličić, 8.r.
OŠ Gradec



Pavla Bešenić, 7.r.
OŠ Novi Marof



Eleonora Prugovečki, 7.r.
OŠ Dragutina Domjanića
Sv. Ivan Zelina




Ivana Kober, 7.r.
OŠ Ksavera Šandora
Đalskog, Donja Zelina



Nika Mouratidis, 2.r.
OŠ "Braća Radić", Koprivnica



Ana-Marija Kvas, 8.r.
OŠ "Petar Zrinski", Čabar



Ema Petrović, 4.r.
OŠ "Braća Radić"
Koprivnica



Leona Šantek, 8.r.
OŠ Ljubeščica



Petar Knez, 8.r.
OŠ Gradec



Tea Bunić, 2.r.
OŠ "Braća Radić"
Koprivnica

Sončeve zahaja

A stylized landscape illustration. The top half of the image is a solid dark blue. The bottom half features a dark blue silhouette of a mountain range. Below the mountains, there are several horizontal, wavy bands of a lighter, medium blue color, representing water or a misty atmosphere. The text 'Sončeve zahaja' is written in a gold, serif font, positioned vertically on the left side of the image, overlapping the white background and the dark blue mountain area.

